

Vedlegg 12

Seksuelt overførbare sjukdomar

HENSIKT: Å hindre nye tilfelle av seksuelt overførbare sjukdomar og avgrense smitte med seksuelt overførbare sjukdomar.

DEFINISJON: Seksuelt overførbare sjukdomar (kjønssjukdomar) , eller seksuelt overførbare infeksjonar (SOI) er i regelen overført ved seksuell kontakt. Organismene som er årsak til seksuelt overførbare sjukdomar, kan passere frå person til person i blod, sæd eller vaginale- eller andre kroppsvæsker.

Nokre slike infeksjonar kan og overførast utan seksuell kontakt, til dømes frå mor til born i svangerskapet, eller gjennom blodoverføring eller at nokon brukar same sprøyte.

TILTAK: Å bruke kondom er ein god måte å beskytte seg mot seksuelt overførte sjukdomar. Om ein person har mistanke om at han/ ho ha fått ein slik sjukdom, må han/ ho straks ta kontakt med lege og ikkje ha ubeskytta sex (vedkommande må bruke kondom) til tilstanden er avklara. Har ein mistanke om ein [allmennfarleg smittsam kjønssjukdom](#) har ein rett på gratis undersøking og behandling.

SMITTEOPPSPORING:

Mål med smitteoppsporing er:

- a) Gi behandling til personar som er ukjent med at han/ ho kan ha ein seksuelt overførbart sjukdom
- b) Bidra til å bryte smittekjeder og redusere vidare smittespreiing
- c) Hindre reinfeksjon hos personar som først fekk påvist sjukdomen
- d) Hindre komplikasjonar av sjukdomen

Pasienten har etter [Smittevernlova](#) plikt til å delta i smitteoppsporing (§5-1) og pasienten sin lege har plikt til å foreta smitteoppsporing (§ 3-6). Dette gjeld berre dei seksuelt overførbare sjukdommane som i forskrift er definert som allmennfarleg smittsam sjukdom:

- Genital klamydiainfeksjon (mest vanleg)
- Hepatitt A
- Hepatitt B
- Hepatitt C
- HIV infeksjon
- Gonoré
- Syfilis

Seksuelt overførbare sjukdomar som herpes genitalis, genital mykoplasma, HPV infeksjon, uspesifikk uretritt, protozo-infeksjon og flatlus er ikkje allmennfarleg sjukdomar og kjem ikkje inn under denne lova. I visse tilfelle kan det likevel bli aktuelt med smitteoppsporing her.

Menn som har sex med menn har auka risiko for seksuelt overførbare infeksjonar. Seksuelt aktive bør sjekke seg årleg, og dei som har fleire partnara bør sjekke seg oftare. Ref: [Menn som har sex med menn og smittevern -Folkehelseinstituttet](#)